



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEMETLALELETŠO LA PELE (FAL)

LEPHEPHE LA BORARO (P3)

DIBATSELA 2021

MEPUTSO: 100

NAKO: Diiri tše 2½

Palomoka ya matlakala a dipotšišo ke 7.

DITAELO LE TSHEDIMOŠO

1. Lephephe le, le arotšwe ka DIKAROLO TŠE THARO, e lego YA A, YA B le YA C.

KAROLO YA A: Ditaodišo (50)

KAROLO YA B: Ditšweletšwa tša tirišano tše telele (30)

KAROLO YA C: Ditšweletšwa tša tirišano tše kopana (20)

2. Araba potšišo E TEE karolong YE NNGWE le YE NNGWE.
3. Šomiša polelo yeo o lekwago ka yona.
4. Thoma KAROLO YE NNGWE le YE NNGWE letlakaleng LE LEFSA.
5. Beakanya (ka tsela ya mmepe wa monagano, seswantšho, mantšu a bohlokwa le tše dingwe) o be o dire padišišobohlatse. Peakanyo ya gago e tšwelele PELE ga ditšweletšwa ka moka.
6. Peakanyo e bonagale gabotse. E laetšwe ka go thala mothalo wa go putla.
7. Šomiša nako ya gago ka tsela ye:
- KAROLO YA A: Metsotso ye 80
 KAROLO YA B: Metsotso ye 40
 KAROLO YA C: Metsotso ye 30
8. Dikarabo di nomorwe go ya le ka fao dipotšišo di nomorilwego ka gona.
9. Efa KAROLO YE NNGWE le YE NNGWE hlogo ya maleba.
10. Hlogo ga se ya swanela go balwa ge go dirwa palo ya mantšu.
11. Ngwala ka bothakga le ka mongwalo wa go balega.

KAROLO YA A: DITAODIŠO**POTŠIŠO YA 1**

Kgetha E TEE go dihlogo tše seswai tše di latelago gomme o ngwale taodišo ya botelele bja mantšu a magareng ga 250 le 300.

Taodišo e rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

- | | | |
|-----|--|------|
| 1.1 | Bošego bjoo ga se ka robala. | [50] |
| 1.2 | Go se kwane ga merafo go šitiša tšwelopele. | [50] |
| 1.3 | Ge nka ba Molekgotlaphethiši wa Kgoro ya Thuto profenseng ya gešo. | [50] |
| 1.4 | Bodiidi bja batswadi ga se leabela. | [50] |
| 1.5 | Tlhahlo kgethong ya dithuto e bohlokwa. | [50] |
| 1.6 | Bohodu bja dithoto bo bušetša mmušo morago. | [50] |
| 1.7 | Lebelediša diswantšho tše gomme o ngwale taodišo ka se SE TEE sa tšona. Diswantšho tše di ka tsoša maikutlo goba boikgopolelo bjo bo itšego. | |

ELA HLOKO: Go swanetše go ba le kamano magareng ga taodišo ya gago le seswantšho seo o se kgethilego.

1.7.1



[Mothopo: Inthanete]

[50]

1.7.2



[Mothopo: Inthanete]

[50]

PALOMOKA YA KAROLO YA A:

50

KAROLO YA B: DITŠWELETŠWA TŠA TIRIŠANO TŠE TELELE**POTŠIŠO YA 2**

Araba potšišo E TEE go tše nne tše di latelago. Botelele bja karabo ya gago e be mantšu a magareng ga 120 le 150 (diteng fela).

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

2.1 LENGWALO LA SEMMUŠO (LA DITEBOGO)

Ka tlhohleletšo ya morutiši wa gago wa thuto ya Sepedi o kgonne go tšwelela ka dihlora tlahlobong tša mphato wa marematlou.

Mo ngwalele lengwalo o mo leboge ka tlhohleletšo yeo o e hweditšego ngwaga ka moka.

[30]

2.2 BOITSEBIŠOPHELO LE LENGWALO LA TIIŠETŠO

Seyalemoyeng sa seteše sa geno go kwalakwaditšwe sekgoba sa mošomo wa go penta meago ya mmušo sedikong sa geno. O bile le kgahlego go kwalakwatšo yeo.

Romela boitsebišophelo bja gago le lengwalo la tiišetšo go Molaodi wa Sediko.

[30]

2.3 LENANEOTHERO LE METSOTSO

Lekgotla la Ipeng Baagišane le dutše ka fase ga morula go ahlaahla tša ngwaga wa 2020.

Bjalo ka mongwaledi wa lekgotla, ngwala lenaneothero le metsotsa ya kopano yeo.

[30]

2.4 POLEDIŠANO

Malome Nkotsana o boledišana le motlogolo wa gagwe Lesibana ka kgetho ye botse ya bagwera le ditlamorago tša kgetho ye mpe.

Ngwala poledišano yeo ka botlalo.

[30]

PALOMOKA YA KAROLO YA B:

30

KAROLO YA C: DITŠWELETŠWA TŠA TIRIŠANO TŠE KOPANA**POTŠIŠO YA 3**

Araba potšišo E TEE go tše tharo tše di latelago. Botelele bja karabo ya gago e be mantšu a magareng ga 80 le 100 (diteng fela).

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya. O tla fiwa meputso ya go rulaganya.

3.1 MAPHEPHETSEBIŠO

Lebenkeleng la Kehumile ditheko di theogile.

Ngwala maphephetsebišo ao a tlogo phatlalatšwa lefelong la motse wa geno. Laetša ditšweletšwa tseo di theogilego go gokagoketša bareki, letšatšikgwedi [20] le nako.

3.2 PUKUTŠATŠI

Le bile le leeto la dithuto go ya Yunibesithing ya tša mahlale Profenseng ya Kapa beke ka moka. Šedi e be e le go dipalo le mahlale. Ngwala ditiragalo tša tšatši ka tšatši lefelong leo.


[20]

3.3 DITŠHUPETŠO

O na le mootledi yo a tlišitšego dipuku tša ngwaga wo o latelago sekolong sa geno sa Mareo. Bjale o go kgopela go mo laetša tsela ya go ya sekolong se se phagamego sa Retšweletše.

Mo šupetše tsela ka go mo laetša diponagalo tša maswao a tsela, monabo ka dikilometara le dimetara, khutlonne le meago.

Šomiša sethalwathalwa sa go latela go ngwala karabo ya gago.



PALOMOKA YA KAROLO YA C: 20
PALOMOKA YA TLHAHLOBO: 100